

**2017**  
**AO**

Total marks : 80

Time : 3 hours

**General Instructions :**

- i) Approximately 15 minutes is allotted to read the question paper and revise the answers.*
  - ii) The question paper consists of 22 questions. All questions are compulsory.*
  - iii) Internal choice has been provided in some questions.*
  - iv) Marks allocated to every question are indicated against it.*
- N.B: Check that all pages of the question paper is complete as indicated on the top left side.*

**SHILEM – A (Rajem Latang)**

**1. Teküboklen agüja alibaji junga zügang aser tasüngdangbatemji langzüang:**

Iba lima meimchir rongnung temzüng ozüng ka lateta mekara taküm shia talitsü tasak anungji tetenzük nung tsüngremia meimchir yanglur külen ashiba kaji soyapokyang aser aji azüokang ta mela, tetezü temzüng ozüng ka makaiang taküm shiaji alitsü makok ta iba yagia tali jangjatsür.

Asen Aor sobalibaji Chungliyimti lima alidang koba nü Ar Salang tema lokti atenshi, iba anogo nungi tenzük ta jembir.

Temzüng ozüng yanglua nübur ajak kenbang obang ka sür azüokba ajanga libaliro ajak nung tiptema anisüngzüka aru, iba sülen Chungliyimti lima toktsür tanü asen aliba tesem yimtsüngtem jila balala nung nübur sobaliba liaka asen tetsü tebuo nungi benschia aruba temzüng ozüng kasa dang lir.

Aor rongnung oshi balala liaka sobaliba kasa dang, saka sobaliba nung shingaia mauyatsü ta ozüng maka saka yimrongi au senchi achi aser iba senchi dang merangzük ta aja. Aji dang masü, iba ama merangzük azükertemji yimden yimli aser loktiliba maparen kecha nunga mamshi mesüra iba nungi jakzükba chirnur den kibalembutsü ashibanga aru.

Aor rongnung kibalembu kanga asüngteta liasü. Kidong kasa lembuba ashibanger. Kin kidong kasa raksar tanur soadokra senchi tulu achir saka tenaji apuani küma liadokra yimtak nungi aridoker aser ibala kibong dangji machibangchi ta ajar.

Tsürabur mapang nungi takar/Kenshir oshir kin repranga kijüng kibong kümteta aru. Tetsür mesüra tebur kati kibong ka balaluyukdakja ibala ama tetsür/tebur den kibong kümra iba dangji kijungtsük ta aja aser shiba ajanga kibong raksatsür pa/la dang kilamet senchi achi. Iba ama masüngtetba nübu yimden yimli aser lokti kecha nunga mamshi kechiyong senso tajung kati dang pei lima aser nübur meima ochi nung nokdaker ta jembi, item dangji Nisungchi ta

ajar. Nisung kati tai maket nisung ka tepsetra mesüra yimden ozüing anema tamajung kar inyakra pa/la dang senchi tulu chir, ibaji dang masü mapang tatakzük ka yimkong tzübu nungi tzü mejemdaktsür mesüra pa mapa yari yimtak nungi aridoker, ibala dangji ki ralongrar ta ajar.

Iba dak alaka Aor sobaliba nung temzüing lem takang yanglua yur nübur aziüoka aruba lir kechiyong Aor sobaliba nung koba kin chanu südir süaka pei sünütsü süa kodanga melidaktsü. Saka ajak ajungtsü atema temzüing ozüing yanglua yur iba jagi nübur ajak Jongpu medema anidaktsü aji Aor sobaliba.

**Tasungdangba:**

- (a) Tsüngremi meimchir nem kechi nungloktsü? 1
- (b) Asen sobaliba temzüing ozüing kong latet? 1
- (c) ‘Kilamet’ kechi dang ajar? 1
- (d) Merangzük senchi shir dang achir? 1
- (e) Nisung tepseter kaji kechi koma merenshir? 1
- (f) Kinkidong kasa kibalembubaji koma merenshi? 1
- (g) Agüja aliba ojangtemji ratetjang: 1x4=4
  - (i) Kenbang obang
  - (ii) Kijungtsük
  - (iii) Jongpu medena
  - (iv) Apuani

**SHILEM – B (Olem)**

**2. Agüja aliba onük aser arrba amshia ojang 100 – 150 shi nung shity ka züluang:**

a. Talongtsü mekumdangi amshiba ajanga lenmang lendong tali ajuruba, ano lenmang ozüing shitak amshitsü aser tetsüing ana aketba talongtsü amshirtemi korang asemtsü koda tongtimbang item indang shia, osang kaket yim ozülur dangi shity ka züluang.

**Mesüra 6**

**b. Agüja aliba anük amshia osang agutsü zülu (report writing) ka züluang:**

Na basketball team zungsemka, ner kaket reju tenung nung na state level competition nung shilem agitsü asoshi koma koda ternemshiba lir iba indang ner kaket reju osang kaket nung agutsüba ka züluang.

**3. Agüja aliba onük aser arrba amshia ana rongnung ka ojang 50 shi nung züluang:**

a. Ner tsürabur kum metsür pungu ajungba benjongmung nung chiyongi jaokba shity ka züluang.

**Mesüra**

**4**

- b. Agüja aliba onük amshia jembishinütep zulu ka züluang:  
Na ner medemer kaden internet amshiba tajangzük aser takoksa indang jembitepba ka züluang.

**SHILEM – C (Orrlem)**

**4. Agüja alibatem nungi shitak telangzüba agüjang:**

- (a) Oyim nung memelenshi sür tongnir aser nendong meyipshia jembiba yayim dang\_\_\_\_\_ **1**  
(i) Lenlashi (ii) Rarem leplashi  
(iii) Leplashi (iv) Ramok leplashi
- (b) Oren ana mesura ana dak tali mesentepa tuluba oren kumtetba dang ajar? **1**  
(i) Oren jenutepyim (ii) Kezi oren  
(iii) Atentep oren (iv) Ayimlok oren
- (c) “Alima ya tebulong” koba oren **1**  
(i) Timsü (ii) Rapasü  
(iii) Mungra (iv) Taoba
- (d) Mungra tetezü kechi? **1**  
(i) Mepentet olen (ii) Nungja aser oti  
(iii) Tarutsü mapang (iv) Tensaren kar
- (e) Olen koba mezung Amilem jembir aji tana Amilem, belenzüka tasem Amilem dang ashir iba dang kechi ajar? **1**  
(i) Jilok tongta (ii) Otenta oti  
(iii) Müken tongta (iv) Otenta tongta

**5. Itemi müken Tongta leni meyipang:**

- (a) Yimsüsuri ashi, “bangdak kübok liang”. **1**  
(b) Tinubai ashir, “Na meranga inyaktsüla”. **1**

**6. Agüja aliba orentemji Rarem leplashi nung meyipang:**

- (a) Merenbai arem nung mesü ka angu. **1**  
(b) Nisung ajongai na meteta lir. **1**

**7. Agüja aliba orentemji koba mapanglem nungsa aten anteta sayuang.**

- (a) Soro chiokeri chiyungtsü joko renema liasü. **1**  
(b) Telok tulu asenok jakdang arudagi. **1**

8. **Tongnir salur, nendong lemdangang:**
- (a) Moabai mesü ka kaset 1
  - (b) Tsünglui alu yarir. 1
9. **Itimi kezi mungra aser mapang mungra radanga shiang:**
- (a) Lenmang nung jajadang kumdangtsüla. 1
  - (b) Sen angutsüba ni mapai aor. 1
10. **Ao oshi agi meyipang:**
- (a) My father bought a new car last week. 1
  - (b) Listening is as important as speaking. 1
  - (c) What did you do yesterday? 1
  - (d) He likes helping old people. 1
  - (e) Get out of the way! 1

**SHILEM - D (Otsü aser Sangro)**

11. **Agüja aliba nungi shitak telangzüba shimteta langzüang:**
- (a) Meimchirji taküm aliba shiruru ajak dang nungi \_\_\_\_\_ shiruru ka. 1
    - (i) Tesangratiba (ii) Tekülaktiba
    - (iii) Tangatetba (iv) Terajemtiba
  - (b) Naga kin aikati kima yimdong sadema \_\_\_\_\_. 1
    - (i) Ayur (ii) Yutsür
    - (iii) Mayur (iv) Renemer
  - (c) Alu lenpi mapang takari shimelang \_\_\_\_\_ aben. 1
    - (i) 6,9,12 (ii) 2,4,8
    - (iii) 4,8,16 (iv) 5,10,15
  - (d) Tekong terok sanger Ao senso \_\_\_\_\_ Mokokchung yimti. 1
    - (i) Arr salang (ii) Ar salang
    - (iii) Are salang (iv) Arur salang
  - (e) ‘Taso yimkong lima shisanga, metangoktsür takoker ola’. Item yakoba sangro nungi. 1
    - (i) Nokinketer sangro (ii) Ao khonang
    - (iii) Ayatai (iv) Chungliyimti kü soyim

**Item tasüngdangbatem ojang 20 – 25 tashi nung langzüang:**

12. Yimjung tetezü kechi? 2
13. Tzüpong tetezü kechi? 2
14. Puti tetezü shiang? 2
15. Pok tetezü kechi? Shirnoki Pok alemer? 1+1=2
16. “Yimpodok madoker shinga mali”. Iba oren ya ratetjiang. 2
17. Kechiba sangro züluri nungtak ajak meteta liaka mapa mekara tazüngla angutsü ta ashir? 2

**Item tasüngdangbatem ojang 40 – 50 tashi nung langzüang:**

18. a. “Kibong ya loktiliba ajak tamendakdak tongtibang shilem rongnung ka lir”.  
 (i) Kibong tetezü kechi? 1  
 (ii) Kibongji koda tongtibang rasaa züluang. 3

**Mesüra**

- b. “Sobaliba aser awashi sendaktepba lir” koma sendaktepba lir rasaa züluang. (4)
19. “Ani belem mesükshii dang oji oji ta aodang anülu memeteter”, Iba tekong koba sangro nungi rateta züluang. 4

**Item tasüngdangbatem ojang 60 – 90 tashi nung langzüang:**

- 20.a. “Nisung ajaki arem lushi, tzü mopung aser asen meketa aliba yimya liro kechisanena meimtsü”.  
 (i) Kechiba meimtsula. 2  
 (ii) Tzü mopung wazuka ayutsu tara kar shiang. 3

**Mesüra**

- b. “Aor rongnung kishi kina yimer den awashi. Süa inyaktepba mapa tajung jenti lir”.  
 (i) Item awashitepba rongnungi mapa pezü niang. (2)  
 (ii) Tatsü agi item rongnung ana rasajang. (3)
21. “Putusa Putu Ao kin otsü nung mamatettsü asü kolang tonga Par shilu dang mangyangtsü teka tazüng Tsüngrem mangyangba kaoang”.  
 (i) Koba sangro nungi? 1  
 (ii) “Par shilu” ta asübaji shir dang ashir. 1  
 (iii) Iba orentemya ratetjang. 3

22.a. “Tenemi pa shikang tener  
Kü keni mejongshia  
Chungliyimti tenem yongpang  
Nü den züngidak süla”.

- |       |   |              |
|-------|---|--------------|
| (i)   | Iba ya koba sangro nungi? Shibai mejemba? | <b>1+1=2</b> |
| (ii)  | Zungidak süla ojang ratetjang.            | <b>1</b>     |
| (iii) | Iba tekong tatsü agi ratetjang.           | <b>2</b>     |

**Mesüra**

- b. ‘Lisem manung tenung’ sangro ya kechi kaket nungi agitetba lir? Iba sangro yagi kechi indang ashir? Sangro nungi ne tangatetba rasaa shiang. (1+1+3=5)

\*\*\*\*\*